诗经注音小集

国风第一

周南第一

关雎

关关雎鸠, 在河之洲。窈窕淑女, 君子好逑。

参差荇菜, 左右流之。窈窕淑女, 寤寐求之。

求之不得, 寤寐思服。悠哉悠哉, 辗转反侧。

参差荇菜, 左右采之。窈窕淑女, 琴瑟友之。

参差荇菜, 左右芼之。窈窕淑女, 钟鼓乐之。

荇: 音xìng

寤寐: 音wùmèi

芼: mào

葛覃

葛之覃兮,施于中谷,维叶萋萋。黄鸟于飞,集于灌木,其鸣喈喈。

葛之覃兮,施于中谷,维叶莫莫。是刈是濩,为絺为綌,服之无斁。

言告师氏,言告言归。薄污我私,薄澣我衣。害澣害否,归宁父母。

覃: 音tán

施: 音yì

喈: 音jiē

刈: 音yì

濩: 音huò

絺: 音chī

綌: 音xì

斁: 音yì

污: 音wù

澣: 音huàn

害: 音hé

卷耳

采采卷耳,不盈顷筐。嗟我怀人,寘彼周行。

陟彼崔嵬, 我马虺隤。我姑酌彼金罍, 维以不永怀。

陟彼高冈, 我马玄黄。我姑酌彼兕觥, 维以不永伤。

陟彼砠矣, 我马瘏矣。我仆痡矣, 云何吁矣。

真: 音zhì

行: 音háng

嵬:音wéi

虺隤: 音huī tuí

罍: 音léi

兕觥: 音sì gōng

砠:音jū

瘏: 音tú

痡: 音pū

吁: 音xū

樛木

南有樛木, 葛藟累之。乐只君子, 福履绥之。

南有樛木, 葛藟荒之。乐只君子, 福履将之。

南有樛木, 葛藟萦之。乐只君子, 福履成之。

樛: 音jiū

葛藟: 音gé lěi

绥: 音suí

将: 音jiāng

萦: 音yíng

螽斯

螽斯羽, 诜诜兮。宜尔子孙, 振振兮。

螽斯羽, 薨薨兮。宜尔子孙, 绳绳兮。

螽斯羽, 揖揖兮。宜尔子孙, 蛰蛰兮。

螽: 音zhōng

诜: 音shēn

振: 音zhēn

绳: 音mǐn

揖: 音jí

桃天

桃之夭夭, 灼灼其华。之子于归, 宜其室家。

桃之夭夭, 有蕡其实。之子于归, 宜其家室。

桃之夭夭,其叶蓁蓁。之子于归,宜其家人。

华: 音花

蕡: 音fén

蓁: 音zhēn

兔罝

肃肃兔罝, 椓之丁丁。赳赳武夫, 公侯干城。

肃肃兔罝,施于中逵。赳赳武夫,公侯好仇。

肃肃兔罝,施于中林。赳赳武夫,公侯腹心。

置: 音jū

肃: 音suō

椓: 音zhuó

丁: 音zhēng

仇: 音逑

芣苢

采采芣苢,薄言采之。采采芣苢,薄言有之。

采采芣苢,薄言掇之。采采芣苢,薄言捋之。

采采芣苢, 薄言袺之。采采芣苢, 薄言襭之。

芣苢: 音fú yǐ

掇: 音duō

捋: 音luō

袺: 音jié

襭: 音xié

汉广

南有乔木,不可休息;汉有游女,不可求思。汉之广矣,不可泳思;江之永矣,不可方思。

翘翘错薪,言刈其楚;之子于归,言秣其马。汉之广矣,不可泳思;江之永矣,不可方思。

翘翘错薪, 言刈其蒌; 之子于归, 言秣其驹。汉之广矣, 不可泳思; 江之永矣, 不可方思。

方:音fú,通剂

翘: 音qiáo

刈: 音yì

秣: 音mò

汝坟

遵彼汝坟,伐其条枚。未见君子,怒如调饥。

遵彼汝坟,伐其条肄。既见君子,不我遐弃。

鲂鱼赪尾, 王室如毁。虽则如毁, 父母孔迩。

怒: 音nì

调:音zhōu,通輖

肄:音yì

鲂: 音fáng

赪: 音chēng

迩: 音ěr

麟之趾

麟之趾,振振公子,于嗟麟兮。

麟之定,振振公姓,于嗟麟兮。

麟之角,振振公族,于嗟麟兮。

振: 音zhēn

于: 音xū

召南第二

鹊巢

维鹊有巢,维鸠居之;之子于归,百两御之。

维鹊有巢,维鸠方之;之子于归,百两将之。

维鹊有巢,维鸠盈之;之子于归,百两成之。

鸠:音jiū

御: 音yà

将: 音jiāng

采蘩

于以采蘩,于沼于沚;于以用之,公侯之事。

于以采蘩,于涧之中;于以用之,公侯之宫。

被之僮僮, 夙夜在公; 被之祁祁, 薄言还归。

蘩: 音fán

沚: 音zhǐ

被: 音bì

僮: 音tóng

草虫

喓喓草虫,趯趯阜螽;未见君子,忧心忡忡。亦既见止,亦既觏止,我心则降。 陟彼南山,言采其蕨;未见君子,忧心惙惙。亦既见止,亦既觏止,我心则说。 陟彼南山,言采其薇;未见君子,我心伤悲。亦既见止,亦既觏止,我心则夷。

喓: 音yāo

趯: 音tì

螽: 音zhōng

觏: 音gòu

惙: 音chuò

说: 音yuè